

ԿԵՅ (Κεῖς) ԵՎ ՄԱՋԴԱՏ (Ματζαττον)
ԱՄՐՈՑՆԵՐԻ ՏԵՂԱԴՐՈՒԹՅՈՒՆԸ

ԷՊԻԴՐՈՒ ԴԱՆԻՆՅԱՆ

X դ. նրկրորդ տասնամյակում Բասեն գավառի, ինչպես և Կարին (Բենդոսուպոլիս) քաղաքը շրջապատող տարածքի զգալի մասը աստիճանաբար դուրս է գալիս արաբների տիրապետությունից, որը, բացի այլ հանգամանքներից, արգասիք էր նաև Հովհաննես Կուրկուասի և Թեոփիլոսի արշավանքների¹։ Ապա այդ շրջանները վեճի առարկա են դառնում Բյուզանդական կայսրության և Տայքի կյուրապաղատության միջև։

X դ. կեսին Բասեն գավառը Մուրց գետով բաժանվում է նրկու մասի՝ դետից հյուսիս ընկած մասին տիրելու էր Տայքի կյուրապաղատությունը, իսկ հարավայինին՝ Բյուզանդիան։ Այդ վիճակը պետք է փոխված լինել 976—979 թթ., Վարդ Սկլիրոսի ապստամբությունը ճնշելուց հետո, որի ժամանակ «Վասիլ Թագաւորն Յունաց զԹողնիկ զօրավարն, որ էր յազգէն Վրաց, աբեղայ ի սուրբ լերինն՝ հանեալ առաքէ առ կիրապաղատն Տայոց Դաւիթ. և խոստանայ տալ նմա զհազտոյառիճ Կղէսուրան, զՉորմայրի և զԿարին, զԲասեան և զՍեւոկ բերդակ, որ է Մարդաղի, զՀարբ և Ապահունիս, (զորս և ևս իսկ), որպէս զի զօր առաքեսցէ, յօգնականութիւն նմա²։ Անկախ այն հանգամանքից, թե թվարկված տարածքներից որոնք էին իրականում անցնելու Դավիթ կյուրապաղատին, կամ դեռևս նվաճվելու նրա կողմից³, Կարինը և հարավ-արևմտյան Բասենը մինչև այս ապստամբությունն իրոք արդեն գտնվում էին Բյուզանդիայի գերիշխանության տակ, որոնց տիրանալու համար կայսրությունը համառ պայքար էր մղել X դ. առաջին կեսում։

Աշոտ I-ի (886—890) և Սմբատ I-ի (890—913) օրոք Կարինը «տեսականորեն համարվում էր Հայոց թագավորությանը մաս կազմող քաղաք (Ibn Hauqal, II, 343), բայց նրա արաբ կառավարիչները մեծ մասամբ ինքնագլուխ էին գործում⁴։ Կարին քաղաքը կարևոր ռազմագիտական ամրու-

¹ Constantine Porphyrogenitus. De Administrando Imperio. Greek text ed. by Gy. Moravcsik, English translation by R. J. H. Jenkins, Budapest, 1949, 45, 55—61 (այսուհետև՝ D. A. I.)։ Կոստանդին Միքանատին, Թարգմանություն բնագրից, առաջարան և ծանոթագրություններ Հր. Բարթեկյանի, Երևան, 1970, էջ 15 (այսուհետև՝ Կոստանդին Միքանատին)։

² «Ստեփանոսի Տարոնեցույ Ասողկան Պատմութիւն տիեզերական», Ս. Պետերբուրգ, 1885, էջ 192։

³ N. Adoncz. Tornik le Moine. Etudes Armeno-Byzantines, Lisbonne, 1965, էջ 297—310; В. П. Степаненко, Анахунк в византийско-таоских отношениях в период мятежа Варды Склира (976—979); «Античная древность и средние века» (Сборник 10, Свердловск, 1973, стр. 221—223)։

⁴ Ա. Տեր-Ղեոնդյան, Արաբական ամիրայությունները Բաղրատունյաց Հայաստանում, Երևան, 1965, էջ 159—160; Հովհաննես Դրասխանակերտցու հաղորդամբ Սմբատ I-ի

թյուն էր, որը գրավելու համար կայսրությունը մեծ ջանքեր էր գործադրում⁵։ Այդ իսկ պատճառով Բյուզանդիան որոշում է հենակետ դարձնել Կեցեոն ամրոցը։ Այդ մասին Միրանաթինը գրում է. «Տեր Լևոն և տեր Ռոմանոս կայսրերը, ինչպես և մեր թագավորությունը քաղմիցս ջանացել էին վերցնել Կեցեոն ամրոցը և այնտեղ մտցնել տաքսատոսներ, որպեսզի Թեոդոսուպոլիսը պարենն ստանա այնտեղից։ Նրանք հավաստիացնում էին կուրապաղատին և նրա եղբայրներին, որ [հոմալեցիների կողմից] Թեոդոսուպոլիսը գրավվելուց հետո, նրանց կվերադարձվի [Կեցեոն] ամրոցը, բայց իբրևները չընդունեցին այդ առաջարկը, որովհետև բարեկամական հարաբերությունների մեջ էին Թեոդոսուպոլիսի (թեոդոսուպոլսեցիների—Θεοδοσιουπολιτῶν—է. Դ.) հետ և դեմ էին Թեոդոսուպոլիս ամրոցի գրավմանը⁶։ Այստեղ խոսքը Ատրենբուս I-ի (891—923) որդիների՝ կուրապաղատ Աշոտի (923—954) և նրա եղբայրներ Դավիթի (923—937), Բագրատի (մահ. 945) ու Սմբատի (954—958) մասին է։ Նշենք, որ չնայած Կեցեոնի կապակցությամբ հիշատակվում է նաև Լևոն VI-ը, սակայն այդ ամրոցի շուրջ եղած վեճը, հավանաբար, ծագել էր սկսած Ռոմանոս I կայսեր (920—944) ժամանակաշրջանից⁷։ Այդ են վկայում Ռոմանոս I-ի և Աշոտ կուրապաղատի մասին եղած հիշատակությունը, ինչպես նաև այն, որ Կարինի շրջակա տարածքները այդ ժամանակաշրջանից սկսել էին աղատագրվել արաբներից։ Հենց այդտեղ էլ պետք է փնտրել Կեցեոն ամրոցը⁸, որի տեղագրության մասին ընդհանուր պատկերացում է տալիս Միրանաթինի հետևյալ հաղորդումը. «Ավելի լավ է (ասում էին իբրևները—է. Դ.), որ կայսրը տուրմարի կամ խնչ որ վասիլիկոս ուղարկի, թող նա նստի Կեցեոն ամրոցում և հետևի։ Նրանք [կայսրից] պատասխան ստացան, թէ ինչ օգուտ դրանից... քանի որ Թեոդոսուպոլիս ամրոցը տանող ճանապարհները շատ են, նրանք (տուրմարիսը կամ վասիլիկոսը տաս-տասներկու հոգով—է. Դ.) չեն կարող ամրոցից հետևել այդ կարավաններին, որոնք մուտք են գործում Թեոդոսուպոլիս ամրոցը։ Չէ՞ որ այդ կարավանները կարող են գիշերով մուտք գործել Թեոդոսուպոլիս, և իրենք այդ մասին լրիվ անտեղյակ կլինեն։ Իբրևները չէին ուզում, որ գրավվի Թեոդոսուպոլիսը, այլ ընդհակառակը, ուզում էին, որ նա պարեն ստանա, ահա դրա համար է, որ նրանք չընդառաջեցին և չտվեցին Կեցեոն ամրոցը, հակառակ որ [կայսրից] գրավոր

թագավորության սահմանները հասնում էին մինչև Կարին («Պատմութիւն Հայոց», Թիֆլիս, 1912, էջ 161)։

5 Մ. Կանարը ենթադրում է, որ 902 թ. Թեոդոսուպոլիսը գրավվել է բյուզանդացիների կողմից («The Cambridge Medieval History», v. IV, Cambridge. 1966, էջ 715)։ Այդ երևում է 902 թ. Կարինի վրա կատակոլոնի կատարած արշավների մասին Միրանաթինի հաղորդումից (D. A. I, 45, 50—55)։ Ինչպես կարելի է դատել այդ նույն հաղորդումից, Կարինը կարճ ժամանակով է նվաճվել բյուզանդացիների կողմից։ Իսկ Հովհաննես Կուրկուասի և Թեոփիլոսի արշավաքննիր (X դ. սրկիրոդ տասնամյակ) քիչ արդյունավետ էին Կարինը գրավելու գործում։

6 Կ ո ս տ ա ն դ ի ՚ Ն ի ր ա ն ա ծ ի ն, էջ 15, D. A. I., 45, 67—74։

7 Լևոն VI-ի (886—912) հիշատակությունը, ըստ երևույթին, արգասիք էր նաև այն բանի, որ Միրանաթինը բյուզանդացիների պահանջը այդ ամրոցի վերաբերյալ ավելի խոսքերով է նկարագրում։

8 Հը. Բարթելյանը Կեցեոնի մասին ծանոթագրում է. «Շալտնի չէ, թե ո՞ր տեղին է համապատասխանում։ Հոնիգմանը հնարավոր է գտնում նույնացնել Հինդախ (պետք է լինի Հինք—է. Դ.) գյուղի հետ, Թեոդոսուպոլիսից Տայք տանող ճանապարհի վրա կամ էլ այդ ճանապարհի լեռնանցքի վրա գտնվող մի ամրոցի, որ վրացիները կոչում են Քարթլիս ղելի (քանգրում՝ Քելի), իսկ թուրքերը՝ Գյուլքի բոզազա (նույն տեղում, էջ 233, ծան. 22)։

ևրդում ստացան, թէ Թեոդոսուպոլսի գրավումից հետո այդ ամրոցը իրենց կվերադարձվի»⁹, Այստեղից կարելի է եզրակացնել, որ Կարին ելումուտ անող քարավանները ցերեկը Կեցեոնից երևում էին և այնտեղից պարեն էր մատակարարվում Կարինին, Միրանածինի հազորությունից նաև հետևում է, որ Կեցեոնը պետք է գտնվեր Կարին տանող ճանապարհների հանգուցակետի մոտ¹⁰:

Ասվածից հետևում է, որ Կեցեոն ամրոցը գտնվում էր գյուղատնտեսական մթերքներով հարուստ Կարինի դաշտում, Կարին քաղաքի անմիջական հարևանությամբ, իսկ սա, ամենայն հավանականությամբ, համապատասխանում է Կես կամ Կէզ գյուղին¹¹, որը հիշատակում է Ղ. Ինճիճյանը¹², Այս նույն գյուղի մասին Հ. էփրեկյանը գրում է. «Կէզ կամ Կես. — գյուղ Կարնո. 1/2 ժամու ճանապարհ հեռի Ունի 60 տուն հայ և 20 տուն մահմետական, Հայք երկրագործ են և ունին Ս. Մինաս անուն եկեղեցի մը և վարժարան»¹³, Ավելի մանրամասն այս գյուղը հիշատակում է Հ. Քոսյանը. «Կէզ գյուղը Կարնո դաշտագետնոյն մեջտեղերը գտնված գյուղերեն մին է, կ'իյնա դաշտին արևմտեան կողմը: Քաղաքին «Իլիճու» կամ «Պոլսո» անվանյալ դռնեն մինչև հոն հետիոտն կը տեւէ մեկ ու կես ժամ:

Գյուղիս անունն առնված է ըստ գյուղական ավանդության ցավալի պատահարն մը: Կ'ըսվի թե ժամանակին բավական ընդարձակ գյուղ մը եղած է. անհիշատակ ժամանակ մը, քաղաքին հարավային կողմը բարձրացող լեռներեն «Դրբք տեյիրմէն» անվանեալ ձորամեջին սոսկալի հեղեղ մը կու գա և գյուղին կեսը կ'առնու կը տանի և կմնա կեսը, որմն գյուղս յուր անունն ալ կ'առնու «Կես», Կէզ:

Իսկ քաղաքացին կ'ըտէ, գյուղս կը գտնվի՝ քաղաքին և Իլիճե գյուղին ճամբուն գրեթե միջավայրը, ճամբուն կեսին վրա. ուստի և անունն ալ առած է «Կես» որ և հետո բերնե բերան եղած է «Կէզ»... գյուղս ունեցած է յուր հնագույն եկեղեցին...»¹⁴, իսկ մեկ ուրիշ հատվածում գրում է. «Քաղաքին (Կա-

⁹ Կ ո ս տ ա ն դ ի ն Մ ի ր ա ն ա ծ ի ն, էջ 15—16, հմմտ. D. A. I., 45, 81—83 և 86—94:

¹⁰ Իսկ այն, որ այդ ամրոցը կարող էր գտնվել դաշտավայրային տեղանքում, տրամաբանական է, քանի որ դեռևս VI դ. Հուստինիանոսը, ցանկանալով Դանուբի վրա սահմանը ամրացնել, ափամերձ շրջանում, ինչպես նաև հարթավայրային տեղերում ամրոցներ կառուցեց: Նույնը Բյուզանդիան անում էր կայսրության ասիական մասում (III. Динь, Основные проблемы Византийской империи. М., 1947, стр. 83).

¹¹ Κετζίον=Κετζίον=Կեծ կամ Կեց (>Կես կամ Կէզ)+(է)ոն, որը սովորական էր հունարեն տառադարձվող տեղանունների համար, օրինակ՝ Ἀντιόχεια (Անդակ), Ζαρινάχεια (Ջեռնակ), Ἀβνίχεια (Ավնիկ) և այլն: «Կես» կամ «Կէզ» ձեւը, ինչպես ստորև կ'տեսնենք, արգասիք կարող էր լինել ժողովրդական ստուգաբանության: Այդ դեպքում հնաբանվոր է, որ Κετζίον—Կեց (>Կես, Կէզ)—ը այն տեղանունների շարքին դասվի, ինչպիսիք են «Կէց գիւղ», «Կեցանա յեղէզ», «Կեցանայ ձոր», «Կեցանայ վանք» («Ճուցակ ձեռագրաց Մաշտոցի անվան մատենադարանի, հ. Բ, Երևան, 1970, էջ 1234): Այսուհետև կ'օգտագործենք «Կեց» ձեւը:

¹² Հ. Ղ ու կ ա ս Ի ն ճ ի ճ յ ա ն, Աշխարհագրություն շորից մասից աշխարհի, մասն առաջին, Ասիա, հ. Ա, Վենետիկ, 1806, էջ 79:

¹³ Հ. Ս. է փ Ր ի կ յ ա ն, Բնաշխարհիկ քառարան, հ. երկրորդ, գիրք Ա, Վենետիկ, Ս. Ղազար, 1907, էջ 385:

¹⁴ Հ. Ք ո ս յ ա ն, Բարձր Հայք, հ. Բ, Վիեննա, 1926, էջ 176—177: Հավանաբար, բերված ստուգաբանությունները ավելի ուշ շրջանի են: Անկախ դրանից պարզ է, որ Կեցի տեղագրությունը համապատասխանում է Կես կամ Կէզ գյուղին, որը մինչհնդպիտական 10 վերստանոց քարտեզի վրա նշված «Γεζ»-ն է: Հայերենից թուրքերենին անցնելիս, ըստ երևույթին, արտաքին նմանության պատճառով, այս անունը նոր ստուգաբանություն է ստացել (Γεζ—այլք):

բին—էրզրում—է. Դ.) Իլիճու անվանյալ դռնեն դուրս ելլելով Կէզ-Իլիճե տանող կայսերական պողոտան շրջնած, ձախ թեքերուս վրա կտեսնվի սայլերու յորիշ ճամբա մը, որ կտանի Ձիֆթիկ»¹⁵:

Գյուղի տեղադրության նկարագրությունից երևում է, որ այն գտնվել է Կարինի դաշտի կենտրոնական մասում, իսկ միջնադարում կարող էր լինել այդ շրջանում գտնվող գյուղերի ամրություն-կենտրոնը, որտեղ վտանգի դեպքում կպատսպարվեին շրջակա գյուղերի բնակիչները: Դրանով իսկ այն կարող էր նաև այդ գյուղերից ստացվող պարենի հավաքատեղի լինել, որտեղից պարենը առաքվում էր Կարին: Այսպիսով, Կեց ամրոցի մեր տեղադրության օգտին, բացի անունների նմանությունից, խոսում են հետևյալ փաստերը. ա) այն գտնվում էր Կարինից այնպիսի հեռավորության վրա, որ ցերեկը այնտեղից հնարավոր էր նկատել Կարին մտնող և դուրս եկող քարավանները, բ) Կեցը Կարինին այնքան մոտ էր, որ վերջինս այնտեղից մթերք էր ստանում, գ) գտնվում էր Կարին տանող ճանապարհների հանգուցակետին մոտ, իսկ ինչպես տեսանք, Կես կամ Կէզ-Իլիճ (էլեգիա-Ջերմուկ) ճանապարհը Կայսերական ճանապարհի մի հատվածն էր¹⁶:

Կեց ամրոցի մեր տեղադրությունը չի հակասում նաև այն ժամանակվա քաղաքական փրադարձություններին, որոնց մասին խոսում է Միրանածինը:

X դ. 20-ական թվականներից, բյուզանդական արշավանքների հետևանքով, Կարինի և Բասենի առանձին շրջաններ ընկան տարբեր պետությունների ազդեցության ոլորտները: Դրանց տարազատումը դժվարանում է նրանով, որ առանձին շրջաններում «իբերներ» էին անվանվում նաև քաղկեդոնիկ հայերը¹⁷, Կեցի իրավիճակը որոշելիս պետք է նկատի ունենալ հետևյալ հանգամանքները. ա) այն բյուզանդացիների համար Կարինը գրավելու հարմար հենակետ էր, բ) քանի որ խնդրանքն ուղղված էր կյուրապաղատությանը, ուրեմն ամրոցն արդեն դրսևում էր վերջինիս ազդեցության ոլորտում, գ) Կեց ամրոցը գտնվում էր էթնիկապես հայկական տարածքում, որտեղի գերիշխող բնակչությունը քաղկեդոնական հայեր էին, որոնց Միրանածինը կարող էր «իբերներ» անվանել¹⁸: Որ Կեց ամրոցի հարցը ծագել է X դ. 20-

¹⁵ Նույն տեղում, էջ 171:

¹⁶ Էլեգիայով էին մեծ մասամբ անցնում հոռմեական, իսկ հետագայում բյուզանդական գործերը Հայաստան արշավելիս:

¹⁷ Շատ հեղինակներ նկատել են, որ «իվեր» տերմինը վրացի նշանակելուց բացի հաճախ նշանակում էր նաև հայ քաղկեդոնական: Ա. Պ. Կադգանը, օրինակ, գրում է. «Термин «иввр» мог употребляться не только как этноним, но, может быть, и для обозначения обитателя фемы Ивирия и, во всяком случае, в конфессиональном значении. В этом смысле ивирами называли также армян-халкедонитов, примкнувших к грузинской православной церкви... точно также армян, примкнувших к греческой церкви, называли иногда «ромеями» или «греками» (А. П. Каждан, Армяне в составе господствующего класса Византийской империи в XI—XII вв., Е., 1976, стр. 144). Կարինի և Բասենի տարածքների բնակիչների վերաբերյալ «իվեր» տերմինի գործածությամբ նկատի են առնվում հայ քաղկեդոնականները:

¹⁸ Այս տեսակետից հետաքրքիր է Ն. Մառի հետևյալ դիտողությունը. «Միաբանության (XI դ., Պետրիտին—է. Դ.) կազմում էին հայ քաղկեդոնականները, որոնք դավանանքով անվանվում են վրացի... Ամեն մի հայ քաղկեդոնիկ, նույնիսկ դեռևս ավելի զրգահտ հայերենում, նրա (Գրիգոր Բաղդրինի—է. Դ.) պատկերմամբ գտարյուն վրացուն հավասար վրացի է» (Н. М а р р, Аркаун, монгольское название христиан, в связи с вопросом об армянах-халкедонитах, СПб., 1905, стр. 20—21):

ական թվականներից՝ բյուզանդական արշավանքների և դրանց միջև եղած դադարի ժամանակ, երևում է Միրանաթինի հետևյալ տողերից. «... ոչ մի բնակավայր չէր մնացել ո՛չ Ֆասիանն երկրում, ո՛չ էլ Ավնիկոն (Ավնիկ) քաղաքի շրջակայքում»¹⁹։ Այստեղ խոսքը Կարինի 949 թ. գրավմանը նախորդած ժամանակաշրջանի մասին է։ Իսկ ո՛չ Ֆասիաննում (Բասենում) և ո՛չ էլ Ավնիկի շրջակայքում բնակավայր չէր մնացել արտահայտությունը պետք է, թերևս, ոչ թե բառացի հասկանալ, այլ՝ որ այդ շրջանները, բացի Կարինից և Ավնիկից, հիմնականում, մինչև 949 թ., արդեն ազատվել էին արաբական տարրից։ Այնուհետև, Միրանաթինը շարունակում է. «Իբերները մշտապես բարեկամական հարաբերությունների մեջ էին թեոդոսուպոլսեցիների, ավնիկեցիների, մանցիկիերտցիների և ամբողջ պարսից երկրի հետ, բայց Ֆասիաննում նրանք երբեք չըջանների չեն տիրացել»²⁰։ Սրանից հետևում է, որ Բասենում «իբերներ» (էթնիկական իմաստով) մինչև վերջինիս Բյուզանդիայի և կյուրապաղատության միջև բաժանվելը ոչ մի տիրույթ չեն ունեցել։ Դա նշանակում է, որ էթնիկական տարրը եղել է հայկական։ Այս առումով Մաստատոնի²¹ տեղագրությունը որոշելուց հետո, դրա հետ կապված դեպքերի մասին խոսելիս, նկատի կունենանք նաև էթնիկական այն միջավայրը, որտեղ կարող էին զարգանալ այդ իրադարձությունները։ Այստեղ միայն նշենք, որ Կեցը գտնվելով հայ էթնոսի տարածման շրջանում արաբական տիրապետության թոթափման ժամանակաշրջանում, դուրս մնալով Բագրատունյաց Հայաստանի ազդեցության ոլորտից, բնական է, որ արաբներ թեև երկրով կապվում էր Տայքի կուրապաղատության հետ։ Տայքի և դրանից հարավ գտնվող Կարինի, Ավնիկի և Մանազկերտի միջև եղած այդ կապերն առաջին հերթին տնտեսական էին, որոնք նոր պայմաններում չէին համապատասխանում Բյուզանդիայի շահերին։ Հիմք ունենալով Միրանաթինի հաղորդումը Տրապիզոնի, Իբերիայի, Հայաստանի և Ասորիքի հետ²² Արտանուշի²³ կապի մասին, պետք է ենթադրել, որ նշված ժամանակաշրջանում Կարինը նույնպես Կեցի միջոցով կարող էր մասնակցել միջազգային առևտրին, իհարկե, եթե «մշտական բարեկամական հարաբերություններ» արտահայտության տակ հասկանանք նաև առևտրական կապերը, իսկ Կեցից մատակարարվող պարենի մասին եղած հաղորդումը դիտենք իբրև նշված առևտրական հարաբերությունների կետերից մեկը։

Այսպիսով, X դ. 20-ական թվականների բյուզանդական արշավանքների հետևանքով այս շրջաններում արաբների ձեռքին միայն որոշ կղզիացած ամրոցներ էին մնացել։ Դրանցից էր, ինչպես տեսանք, Կարինը, իսկ շրջապատող տարածքի կարևոր կետերից մեկը՝ Կեցը, գտնվելով տեղացիների ձեռքում, Բյուզանդիայի և Տայքի կյուրապաղատության միջև դարձել էր վեճի առարկա։ Բյուզանդիայի և կյուրապաղատության (որին պետք է միացած լինեին նաև

¹⁹ «... εις τῆς γῆρας τῆς Φασιανῆς γῆρας οὐ συνῆσαν, οὐδὲ εἰς τὸ ἄσπερον τὸν Ἀβνίκον» (D. A. I., 45, 62—63).

²⁰ Կոստանդին Միրանաթին, էջ 15։ D. A. I., 45, 64—66։

²¹ Այնուհետև այս տեղանունը կօգտագործենք Մազդատ ձևով, ինչպես հիշատակում է Լաստիվերտցին («Պատմութիւն Արխատակիսի Լաստիվերտցույ», աշխատությանը Կ. Ն. Յուզբաշյանի, Երևան, 1963, էջ 33)։

²² D. A. I., 46, 42—45.

²³ Արտանուշը Կղարքի կենտրոնն էր, իսկ Վ. Ստեպանենկոն թյուրիմացարար այն համարում է Տայքի խոշորագույն քաղաքներից մեկը (նշվ. աշխ., էջ 221)։

տեղացիները) միջև վեճերը ավելի սուր բնույթ են ստանում Մազդատ ամրոցի կապակցութեամբ: Այս առթիվ Միրանաթինը գրում է. «Ինչ վերաբերում է Մաստատունին, ապա այն պատկանում էր Թեոդոսուպոլսին (Թեոդոսուպոլսեցիներին—*тѡν Θεοδοσιαουπολιτων—է. Դ.*): Մագիստրոս Հովհաննեսը յոյժ ամիս պաշարել էր Թեոդոսուպոլիսը և չէր կտրողացել գրավել այն, դրա համար զորք ուղարկեց և գրավեց Մաստատուն ամրոցը և այնտեղ հաստատեց պրոտոսպաթար Պետրոնաս Բոյիլասին²⁴, որն այն ժամանակ Նիկոպոլսի կատեպանն էր: Պանգրատ (Բագրատ — է. Դ.) մագիստրոսը, որ նույն մագիստրոս [Հովհաննեսի] հետ միասին արշավել էր Թեոդոսուպոլսի վրա, երբ (վերջինս—է. Դ.) որոշեց հեռանալ, խնդրեց [Հովհաննեսին], որ [Մաստատուն] ամրոցը իրեն տա, գրավոր երդում տալով նրան, որ ինքն է դրան տիրելու, այն ոչ մի դեպքում չի զիջի սարակինոսներին: [Հովհաննեսը] հավատաց վերոհիշյալ Պանգրատի երդումին, քանի որ նա քրիստոնյա էր, մեր թագավորության ծառան, և տվեց նրան [Մաստատուն]: Բայց նա նորից զիջեց այն Թեոդոսուպոլսեցիներին: Բայց երբ գրավվեց Թեոդոսուպոլիսը, իբրևնքը մտան [Մաստատուն] և տիրացան դրան»²⁵: Այստեղից ավելի հավաստի է դառնում Միրանաթինի վերոբերյալ հաղորդումը այն մասին, որ «իբրևները» բարեկամական հարաբերությունների մեջ էին Կարինի և Ավնիկի բնակչության հետ: Քաղկեդոնիկ հայերը այնքան մոտ էին «Թեոդոսուպոլսեցիներին»²⁶ հետ, որ Բագրատի (Բագարատ) նախաձեռնությամբ Մազդատը հանձնում են Թեոդոսուպոլսեցիներին, իսկ դա նշանակում է, որ նրանք նախընտրում էին ենթարկվել ինքնավար քաղաք-պետությանը՝ Կարինին, քան կախման մեջ լինել Բյուզանդիայից, որը ամեն կերպ ձգտում էր կյուրապաղատությունը ներգրավել պայքարի մեջ: Այսպես, Ռոմանոս I կայսեր կողմից կյուրապաղատին ուղղված խրիստոնուլի մասին Միրանաթինը գրում է. «Մեր աներոջ (Ռոմանոս—է. Դ.) խրիստոնուլը վկայում է, որ մենք պաշտպանում ենք նրա (կյուրապաղատի—է. Դ.) տիրապետության վաղեմի սահմանների ամբողջականությունը, որ եթե կարողություն ունենա, կամ մենակ, կամ մեր զորքի հետ թող պաշարի և կործանի Թեոդոսուպոլիսը և թշնամիների մնացած ամրոցները, բայց ամենևին չի ասված, որ նա կարող է նրանց լիակատար տերն ու տիրականը դառնալ»²⁷: Այս քաղաքականությունը, որի հիմքում ընկած էր Բյուզանդիայի բացարձակ գերիշխանության միտում, տևեց մինչև 944 թ., այսինքն՝ մինչև Ռոմանոս I կայսեր գահակալության վերջը: Իսկ Միրանաթինի ժամանակ Բյուզանդիան փոխում է իր քաղաքականությունը, որի մասին նշում է ինքը՝ կայսրը. «Ինչ վերաբերում է մեր թագավորության տված խրիստոնուլին, ապա դրա բովանդակությունն այն է, որ [կյուրապաղատը] կամ

²⁴ Բոյիլասների մասին տե՛ս Հ. Բ. Բարթիկյան. *Եվստաթիոս Բոյիլասի կտակը* (1059 թ.), որպես Հայաստանի և Վրաստանի պատմության կարևոր սկզբնաղբյուր (ԵՊՀ համալսարանի տեղագրական խմբ., № 5, 1960, էջ 397):

²⁵ Կոստանդին Միրանաթին, էջ 17—18, հմտ. D. A. I., 45, 142—154:

²⁶ Կարինում բացի արաբներից նաև պետք է մեծ թվով հայեր լինեին: Ուշագրավ է, որ նույնիսկ XI-XII դ. սկզբին Ղ. Ինճիճյանը Կարինում ոչ մեծ թվով հայախոս հույներ է հիշատակում, որոնք, ըստ երևույթի, քաղկեդոնիկ հայեր էին, «(էրզրումում—է. Դ.) ունին և հույների մի միայն եկեղեցի աղքատիկ Սբ. Գեորգ. քանզի սակաւ են յոյժ իբրև 15 տունք, որք և խօսին առհասարակ հայերէն» (նշվ. աշխ., էջ 69):

²⁷ Կոստանդին Միրանաթին, էջ 16—17, D. A. I., 45, 119—124:

նրա եղբորորդի մագիստրոս Ադրանասեն, սեփական ուժով ինչքան որ հագարացիներին պատկանող շրջաններ կարողանա իրեն ենթարկել, կամ ապագայում կենթարկի, ապա թող դրանց տերն ու տիրականը դառնա»²⁸։ Ամենայն հավանականությամբ, տեղական տարրը կյուրապաղատության հովանավորությամբ որոշ չափով ինքնիշխան էր դարձել, տնօրինում էր սեփական գործերը և Բյուզանդիայի կողմից «ազատագրման» կարիք չէր զգում։ Ըստ երևույթին, Միրանաթինը չգիտեր, թե այնտեղ ինչ էթնիկական տարրի հետ դործ ունի։ Ինչպես վերը նշեցինք, այդ շրջաններում էթնիկապես ոչ թե իբրեական, այլ հայկական տարրն էր, ուր զգալի թիվ էին կազմում քաղկեդոնիկ հայերը, որոնք բոլոր թելերով կապվել էին Կարինի և Ավնիկի հետ, և որտեղ գերիշխող քնակչությունը, չնայած արաբների տիրապետության առկայության, նույնպես հայկական պետք է լիներ։ Այնպես որ, բնականորեն, նշված «իբրեները» (գերազանցապես քաղկեդոնիկ հայերը), Տալթի կյուրապաղատության հովանավորությամբ, այդ ժամանակաշրջանում արդեն տիրում էին Կարինի և Ավնիկի մերձակա շրջաններին և, փաստորեն, Միրանաթինն իր խրիստոլոգով վավերացնում էր այդ վիճակը։

Մազդատը, ինչպես և Կենցը, Միրանաթինի վկայությամբ, պետք է գտնվեր Կարինից ոչ հեռու։ Մազդատի տեղադրության մասին Ղ. Ալիշանը գրում է. «Յեկից Ալիպազիրկեանի առ հզօր վտակալ՝ որ իբր ժամաւ 'ի բացեայ 'ի Հասանկալէ խառնի յմրասիս, և իբր ժամաւ 'ի Հր. Ալվարայ՝ նշանակի Մասսադ գիւղ, որ ինձ թուի հինն Մազդատ բերդ. յոր անկեալ ապաւինեցաւ Վասիլ կայսր յամի 1022, յորժամ բանակեալ էր 'ի կողմանքս, և ոմանք յիշխանացն խորհեցան ապստամբել 'ի նմանէ և թագաւորեցուցանել զնիկեփոր, ղորդի Մովսիզն անուանեալ Փոկասու, այլ ոչ յաշողեաց նոցա. քանզի, ըստ պատմութեան մերոյս Արիստակեայ կաստիւերտուոյ, մի 'ի խորհրդակցացն՝ Սենեքերիմ Դաւիթ՝ երբեմն թագաւոր Արծրունեաց»²⁹, ստորագրեալ հնարեցաւ կալաւ սպան զբռնաւորն, և առաքեաց զզուլս նորա առ կայսր, որոյ հրամայեալ 'ի վերայ ձողոյ բարձրացուցանել զայն 'ի տեսիլ ամենեցուն, ելեալ մեկնեցաւ յարգելանէն»³⁰։ Ըստ Միրանաթինի հաղորդման, Մազդատը Կարինից հեռու չէր, ուրեմն Ղ. Ալիշանի ենթադրությունը³¹ հաստատվում է։ Հոնիգմանը³² և նրա հետևորդները³³ ծանոթ են եղել թե՛ Միրանաթինի, և թե՛

²⁸ Կ ո ս տ ա ն դ ի ն Մ ի ր ա ն ա ծ ի ն, էջ 17, D. A. I., 45, 124—127.

²⁹ Կ. Յուզբաշյանը նշում է, որ «իրականում նիկեփորին սպանեց ոչ թե Սենեքերիմ Արծրունին (որը դավադրության մեջ չի մասնակցել), այլ նրա որդի Դավիթը («Повествование вардапета Аристакаэса Ластивертци», пер. с древнеармянского, вступительная статья, комментарии и приложение К. Н. Юзбашяна. М., 1968, стр. 148. прим. 6)».

³⁰ Ղ. Ա լ ի շ ա ն, Այրարատ, Վենետիկ, Ս. Ղազար, 1890, էջ 23—24.

³¹ Ի տարբերություն Ղ. Ալիշանի, կարծիք է հայտնվել, որ Մազդատը գտնվել է Խաղտիքում (Արիստակես Լաստիվերցի, Պատմություն, թարգմանությունը Վ. Ա. Գեվորգյանի, առաջաբանը և ծանոթագրությունները Գ. Մ. Մանուկյանի, Երևան, 1971, էջ 118, ծան. 43)։

³² E. Honigmann, Die Ostgrenze des Byzantinischen Reiches von 363 bis 1071, Bruxelles, 1935, էջ 164.

³³ Հ. Բարթիկյանը գրում է. «Տեղը հայտնի չէ։ Հոնիգմանը տեղադրում է Ավնիկի մոտ» (Կ ո ս տ ա ն դ ի ն Մ ի ր ա ն ա ծ ի ն, էջ 234, ծան. 33)։

Հաստիվերացու³⁴ հաղորդումներին, սակայն Մազդատի տեղը նշում են Արաբ-սից հարավ՝ ինչ-որ վայրում: Արիստակես Հաստիվերացու մի այլ հաղորդմամբ՝ Ղ. Ալիշանի Մաստատոն (Մազդատ)—Մասսադ³⁵ տեղադրությունը ավելի է հաստատվում: Նա գրում է. «Ցետ այսորիկ իշան է թագաւորն զօրօքն յնդարձակ դաշտն Բասենոյ, և առաքէ հծծեալս ի հեթանոսական զօրացն վալանաւորս ապստամբին Փերսի. և ինքն խաղացեալ հասան է ի սպառուածն Բասենոյ, ի տեղուքն որ կոչի Սալքորայ...»³⁶:

Ինչպես տեսնում ենք, Վասիլ II-ը Մազդատից ուղևորվում է Սալքորայ, Մազդատի և Սալքորայի³⁷ միջև տարածությունը մեծ չէ, երկուսն էլ Բասենում են: Հաստիվերացին հատուկ նշում է, որ կայսրը իջնում է Բասենի դաշտը: Այս վերջին վկայությունը խոսում է այն մասին, որ Բասենի լեռնային շրջանից կայսրը իջնում է Երասխի և նրա վտակ Մուրցի հովիտը, ուր նա կարող էր դալ Մազդատից: Ուրեմն, այս ևս մի փաստարկ է հօգուտ Մաստատոն—Մազդատ—Մասսադ տեղադրության:

Այսպիսով, Կեց և Մազդատ ամրոցների տեղերը որոշելով³⁸, առավել ևս ակնհայտ է դառնում Բյուզանդիայի ձգտումը՝ տիրելու աբսարներից նվաճված տարածքը: Կուստանդին Միրանաթին կայսրը տեսնելով, որ ամրոց ամրոցի հետևից անցնում է տեղացիների ձեռքը, իսկ սրանք էլ անցնում են Տալթի կյուրապաղատության քաղաքական ոլորտը, որոշում է արաբներից ազատագրված տարածքների բաժանում կատարել: «Ահա պարզ է,— գրում է Միրանաթինը,— որ [իբերները] ո՛չ Մաստատոն ամրոցը և ո՛չ էլ Ավնիկը պահանջելու իրավունք ամենեկին չունեն, բայց որովհետև կուրապաղատը մեր հավատարիմ և հլու ծառան է և բարեկամը, ահա նրա խնդիրքին [ընդառաջեցինք], որ Ֆասիանի սահմանը էրաքս, այն է Ֆասիս գետը դառնա, ձախ կողմում դեպի Իլլիրիա³⁹ տարածվող շրջաններին տիրեն իբերները, իսկ աջ կողմում մինչև Թեոդոսուպոլիս ընկած շրջանները, ամրոցները և վայրերը գտնվեն մեր թագավորության տիրապետության ներքո, և գետը լինի երկուսի միջև սահման: Երանելի Հովհաննես Կուրկուսը իր կենդանության ժամանակ, երբ այդ մասին հարց տվին, պատասխանեց, թե ձեռնտու է, որ գետը լինի սահման: Եթե հարցին արդար մոտենանք, ապա կուրապաղատը (Աշոտը— է. Դ.) ոչ մի իրավունք չունի տիրելու գետի այս կամ այն կողմին, քանի որ Թեոդոսուպոլիս այդ բոլոր շրջանները մեր թագավորության զորքերը գրա-

34 «Պատմութիւն Արիստակիսի Հաստիվերացույ», էջ 33:

35 Մինչհեղափոխական ռուսական 10 վերստանոց քարտեզի վրա այդ բնակատեղին անվանված է Маццаб, որը վրիպակ է:


36 «Պատմութիւն Արիստակիսի Հաստիվերացույ», էջ 35:

37 Սալքորայի տեղադրության մասին տե՛ս Ս. Տ. Երեմյան, Հայաստանը ըստ «Աշխարհացոյց»-ի, Երևան, 1963, էջ 79: Մինչհեղափոխական ռուսական 10 վերստանոց քարտեզի վրա այն համապատասխանում է Салькори գյուղին:

38 Տե՛ս սույն հոդվածին կից քարտեզը: Մազդատը այն ամրություններից էր, որոնք գտնվում էին Կարինից արևելք, հյուսիսից հարավ գրեթե մի գծի վրա, և, թերևս, գոյություն ունեին Հայաստանի պարսկա-բյուզանդական բաժանումից սկսած:

39 Գ. Հասկինը (Сочинение Константина Багрянородного «О фемах» и «О народах», с пред. Гавр. Ласкина, М., 1899, стр. 167), հետևելով Բրոսեին *Ἰλλυρίαν* ուղղում է Կիրիյա, իսկ Gy. Moravcsik-ը միայն տողատակում նշելով Բրոսեի և Հասկինի կողմից առաջարկված ուղղումը (D. A. I., էջ 213), տեքստում բերում է ըստ R. Jenkins-ի թարգմանության, ուր այն մնացել է *Illyria*: Ժիշտը Իլլիրիա ձևն է:

վեցին և հրդեհեցին, իսկ իրերները ոչ մի անգամ առանց մեր գործին [միաշնչալու] առանձին արշավանքի դուրս չեն եկել և ավարի չեն առել Թեոդոսուպոլիսը: [Ընդհակառակը], նրանք միշտ բարեկամ են համարել և առևտուր արել [թեոդոսուպոլսեցիներին] հետ, խոսքով ցանկանում էին, որ Թեոդոսուպոլիսն ընկնի, բայց իրականում երբեք էլ չեն ցանկացել, որ այն գրավվի: Ուայց մեր թագավորությունն, ինչպես ասվեց, սեր տածելով դեպի կուրապաղատը, համաձայնվեց, որ էրաքս, այն է Ֆասիս գետը դառնա երկուսի միջև սահման: [Իրերները] պարտավոր են բավարարվել իրենց ունեցած տիրույթներով և ավել բան չպահանջեն»⁴⁰:



«De Administrando Imperio» գործը Միրանաժինը գրել է 948—952 թթ. միջև⁴¹, Ուրեմն, Բյուզանդիան կյուրապաղատության իրավունքները Բասենի մի մասի վրա ճանաչել էր Կարինի (949 թ.) նվաճումից հետո՝ 950—952 թթ. միջև։ Դա նախ պայմանավորված էր այն հանգամանքով, որ կալստությանը վավերացնում էր իր տարածքային նվաճումները⁴² և երկրորդ, եթե Բյուզանդիան նման քայլի չգիմեր, ըստ երևույթին, կկանգնեք այլ բարդությանների առջև, Դեռևս արտաքին վտանգը չէր անցել և, բացի այդ, կյուրապաղատությունը Կարինի և Բասենի քաղկեդոնիկ հայերի օգնությամբ կարող էր ալեյի ընդարձակվել։ Բյուզանդիան արաբներից ձեռք բերած տարածքներում հանդես էր գալիս որպես տեր և տնօրեն, իսկ մյուս մասի վրա իրեն էր վերապահում

⁴⁰ *Unum et idem* *Utrumque*, 18, D. A. I., 45, 155—175.

41 D. A. I., 4, 9.

42 Այս ժամանակաշրջանում տնտեսական, դավանանքային և էթնիկական տեսակետից նշված տարածքի միացումը Տաթևի պետք է ավելի բնական համարել, քան մյուս հատվածի միացումը Բյուզանդիային, որը միայն կարելի է դիտել որպես քաղաքական էքսպանսիա:

սյուզերենական իրավունքները Այսպիսով, Բյուզանդիայի ռազմական և դիվանագիտական միջոցները ծառայում էին մի նպատակի՝ նվաճման: Բռնի նվաճումը վավերացվում էր դիվանագիտական ճանապարհով կամ արտաքուստ թվացող աջարյուն դիվանագիտական նվաճման հսկում կանգնած էր ռազմական ուժը:

Ասենք, որ «էրաքս» կամ «Ֆասիս» գետը, որի մասին խոսում է Միրանածինը, որպես սահմանի, ավելի շատ համապատասխանում է Երասխի (Արաքս) վտակ Մուրցին⁴³, Դրանից հյուսիս տիրելու էր կյուրապաղատությունը մինչև Մյուսթա, որը տվյալ դեպքում համապատասխանում էր Բռնակապանի և Բասենի արևմտյան սահմանի միջև ընկած տարածքին: Ինչպես հայտնի է, Բռնակապանը նշանավոր էր որպես խոշորագույն «կղևուրթ»: Սրա և Բասենի միջև ընկած լեռնային շրջանը ամրացված լեռնանցքների դուռնի էր, ուրեմն Մյուսթա—Աղորի էր, այսինքն՝ ամրացված լեռնանցքների շրջան, այնպիսիք, ինչպիսիք կային Հայաստանի լեռնային շրջաններում⁴⁴:

Թե որքանով էր Բյուզանդիան «սեր» տածում կյուրապաղատի հանդեպ այդ բաժանումը կատարելիս, կարելի է տեսնել մի փաստից, որտեղ Միրանածինը ինքն իրեն հակասում է: Ինչպես նշվեց, ի տարբերություն Ռոմանոս I կայսրի խրիստոփոլի, Կոստանդին Միրանածինինը Տայքի կյուրապաղատին կամ նրա եղբորորդի Ադրանասին իրավունք էր վերապահում տեղ ու տիրական դառնալ այնտեղ, ուր նրանք սեփական ուժով իրենց կենթարկելի արարներին պատկանող շրջաններ: Անկախ այն հանգամանքից, որ Բագրատ մագիստրոսն էր հանձնել թեոդոսուպոլսեցիներին Մազդատը, քանի որ բյուզանդացիների կողմից Կարինը գրավվելուց հետո իբրեւնեբը նորից էին վերագրավել լայն, ապա, ըստ Միրանածինի խրիստոփոլի, ամրոցը պետք է պատկաներ իբրեւնեբին: Եվ եթե Մազդատի դեպքից հետո կայսրը «ներել էր» կյուրապաղատությանը, որովհետև վերջինիս հետ դեռ շարունակում էր հուլյսել կապել արաբների դեմ մղվող պայքարում, ուրեմն պետք է նաև հանդուրժեր Մազդատի գրավումը տայեցիների կողմից, որը, ամենայն հավանականությամբ՝ իրագործվել էր տեղացիների ակտիվ մասնակցությամբ: Բայց հարցը այլ կերպ էր դրվում: Կայսրութունը ամենևին չէր հանդուրժում այդ: Ինչպես երևում է կայսրի նշումից, նա գտնում է, որ իբրեւնեբը «ոչ Մաստատոն ամրոցը և ոչ էլ Ավնիկը պահանջելու իրավունք ամենևին չունեն»⁴⁵: Ուրեմն

⁴³ ՀՄՍՀ ԳԱ «Երաբեր», 1973, № 10, էջ 67:

⁴⁴ Աղպիսիք են՝ Տիգրիսի վերին հոսանքների շրջանում հիշատակվող Ավլորը, Հավնունիք գավառում այժմյան Ղըզըլ-Դերբենդ և Կարա-Դերբենդ լեռնանցքների շրջանը և Երասխի արմուկի շրջանում Աղորի աշխարհը Հավճիշ բերդով և այլն:

⁴⁵ Որ Ավնիկը հպատակվել էր բյուզանդացիներին, երևում է Միրանածինի հետևյալ հաղորդումից. «Ջորավար պատրիկ Թեոփիլոսը բազմիցս դիմեց ամիրային. վերջինս տեսնելով, որ փրկության ոչ մի հույս չի մնացել, հպատակվեց, համաձայնվեց դառնալ մեր թագավորության ծառան և որպես պատանդ տվեց իր որդուն» (Կոստանդին Միրանածին, էջ 17, D. A. I., 45, 139—142): Միրանածինը նաև հաղորդում է, որ Տայքի կյուրապաղատը իրավունք չունի տիրելու Ավնիկ ամրոցին այն պատճառով, որ այն «մինչև օրս էլ ինքնիշխան է և անկախ, ունի սեփական ամիրա...» (նույն տեղում, էջ 17, D. A. I., 45, 130—132): Ուրեմն Ավնիկը Բյուզանդիայի կողմից դիտվում էր որպես հպատակ, իսկ կյուրապաղատությանը ներկայացվում էր որպես ինքնիշխան և անկախ ամիրայություն: Դրա նպատակն էր կյուրապաղատությանը ետ պահել այն տիրելուց: Ակներև է, որ կայսրութունն ամեն կերպ ձգտում էր սահմանափակել կյուրապաղատության ընդարձակումը:

այս ժամանակաշրջանում Մազդատը վեճի առարկա էր կայսրության և կյուրապաղատության միջև:

Այսպիսով, Բասենի Մուրցից հյուսիս ընկած մասը անցնում էր կյուրապաղատությանը, իսկ հարավը՝ կայսրությանը: Այնպես որ, Վասիլ II-ի խոստումը Դավիթ կյուրապաղատին՝ այլ հողերից բացի տալ նաև Բասենը, կարող էր վերաբերել միայն Մուրցից հարավ ընկած մասին: Ուրեմն հաստատվում է Ասողիկից բերված հատվածի պատմականությունը, քանի որ Վասիլ II-ը իրոք Դավիթի խոստանում է այն հողերը, որոնք հիմնականում կայսրությանն էին պատկանում՝ «Խաղտոյառիճ կղէսուրամ», որը բացի Խաղտոյառիճից և Բունկապանից, իր մեջ ընդգրկում էր մինչև Բասենի արևմտյան սահմանը ընկած լեռնային ամրոցների շրջանը (որը Միրանածինը անվանում է Իլլիրիա) և Քզորմայրի և զԿարին, զԲասեն: Վերջինս Մուրցից հարավ ընկած տարածքն էր, որի շարունակությունն էր ՔզՍևուկ բերդակ, որ է Մարդաղի: Ինչ վերաբերում է խոսափացած ՔզՀարք և Ապահունիս շրջաններին, ապա սրանք իրոք դեռևս ենթակա էին նվաճման: Սակայն Վասիլ II-ի խոստման մեջ, այդ վերջիններին կապակցությամբ, արտացոլվել է Կոստանդին Միրանածինի վերը նշված խրիստոփոլից բխող այն թեզը, որ Տայքի կյուրապաղատությունը կարող էր անի և տիրական դառնալ արաբներից նվաճված հողերի վրա: Իսկ տվյալ տարածքի կապակցությամբ Բյուզանդիայի կայսրի նման խոստումը բխում է այն քաղաքական սկզբունքներից, որի համաձայն հայերը և նրանց երկիրը դիտվում էին կայսրության հպատակներ⁴⁶:

Այսպիսով, X դ. Բյուզանդիան թե՛ ռազմական և թե՛ դիվանագիտական շատ միջոցներ գործադրեց վերականգնելու այն վիճակը, որ գոյություն ուներ Բյուզանդիայի արևելյան սահմանամերձ շրջաններում և հատկապես Հայաստանում՝ մինչև արարական նվաճումները, պարսկա-բյուզանդական բաժանումներից հետո և հասավ իր նպատակին. նույնիսկ ավելին՝ Մելիտինեին (934 թ.), ապա Սամոսատին⁴⁷ հետևում են Կարինի (949 թ.) և Բասենի մի մասի գրավումը (մինչև 952 թ.), 966 թ. Տարոնի⁴⁸, իսկ հետագայում՝ Տայքի կյուրապաղատության և Հայաստանի մի շարք այլ շրջանների նվաճումը:

ЛОКАЛИЗАЦИЯ КРЕПОСТЕЙ КЕЦ

(Κετῆον) И ΜΑΖΔΑΤ (Μαζδάτον)

ЭДУАРД ДАНИЕЛЯН

Резюме

С 20-х годов X в. борьба Византии против арабских эмиратов в Армении обостряется. В этой борьбе византийцам необходимо было овладеть крепостью Кецеон (Кец), которая локализуется нами на мес-

⁴⁶ Հմմտ. Կ. Յուզբաշյան, Բագրատունյաց շրջանի Հայաստանը՝ միջազգային իրավունքի տեսանկյունից («Պատմա-րանասիրական հանդես», 1975, № 1, էջ 40—41):

⁴⁷ «История Византии», т. 2, М., 1967, стр. 190.

⁴⁸ Ասողիկ, էջ 183: Ամենայն հավանականությամբ, Ասողիկի հաղորդումը վերաբերում է Տարոնի արևմտյան մասին, իսկ մնացած՝ հիմնական տարածությունը մի առ ժամանակ շարունակում էր մնալ տեղական իշխանական տան ձեռքում, որը հայ Բագրատունիների կենտրոնական իշխանության քաղաքական ոլորտում էր գտնվում:

те селения Кес или Кез (в современном произношении), к западу от Эрзерума (Карин—Феодосиополь). Другой важной крепостью, согласно сообщению Константина VII Багрянородного, была крепость Мас-татон, соответствующая Маздату, упоминаемому Аристанжэсом Ластивертци. Г. Алишан предположительно локализует Маздат на месте населенного пункта Маасад, к востоку от Эрзерума, что подтверждается данными Константина Багрянородного.

Хрисовул Романа I Лакапина запрещал куропалату Тайка владеть теми крепостями, которые освобождались от арабов тайскими или объединенными тайско-византийскими войсками. Хрисовул же Константина Багрянородного предписывал куропалату Тайка и его племяннику владеть теми областями, которые освобождались от арабского владычества, однако император проявил непоследовательность в этом вопросе. В исследуемый период Тайкское куропалатство и области Басена и Карина вели совместную борьбу против притязаний Византийской империи на освобожденные от арабов территории в пределах этих областей. В середине X в. империя признала за Тайкским куропалатством право владения землями Басена, лежащими к северу от р. Аракс и ее притока Мурц.